



## **KERAJAAN MALAYSIA**

---

### **SURAT PEKELILING AKAUNTAN NEGARA MALAYSIA BILANGAN 2 TAHUN 2024**

### **PERATURAN BAYARAN INSENTIF AWAL KAJIAN SISTEM SARAAAN PERKHIDMATAN AWAM (SSPA) TAHUN 2024**

---

**JABATAN AKAUNTAN NEGARA MALAYSIA**

## KANDUNGAN

1. TUJUAN .....	1
2. LATAR BELAKANG .....	1
3. PELAKSANAAN .....	2
4. HAL-HAL LAIN .....	5
5. TARIKH KUAT KUASA .....	5
6. PEMAKAIAN .....	6

JANM.600-20/2/7 (2)



**KERAJAAN MALAYSIA**

**SURAT PEKELILING AKAUNTAN NEGARA MALAYSIA  
BILANGAN 2 TAHUN 2024**

Semua Ketua Setiausaha Kementerian  
Semua Ketua Jabatan Persekutuan

**PERATURAN BAYARAN INSENTIF AWAL KAJIAN SISTEM SARAAH PERKHIDMATAN  
AWAM (SSPA) TAHUN 2024**

**1. TUJUAN**

Surat Pekeliling ini adalah bertujuan untuk memberi garis panduan kepada Kementerian/ Jabatan mengenai peraturan Bayaran Insentif Awal Kajian Sistem Saraan Perkhidmatan Awam (SSPA) Tahun 2024 kepada pegawai Perkhidmatan Awam Persekutuan.

**2. LATAR BELAKANG**

- 2.1 Kerajaan telah menetapkan kadar Bayaran Insentif Awal Kajian SSPA adalah sebanyak RM2,000 kepada pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56 dan ke bawah termasuk pegawai lantikan kontrak *Contract For Service (CFS)*, *Contract Of Service (COS)*, pegawai sambilan harian dan lantikan MySTEP.
- 2.2 Kerajaan juga menetapkan kadar bayaran Insentif berjumlah RM1,000 kepada semua pegawai di gred Jawatan Utama Sektor Awam (JUSA) pelbagai skim perkhidmatan termasuk polis, bomba, tentera, angkatan bersenjata dan seluruh anggota beruniform. Bayaran insentif ini turut dipanjangkan kepada pesara Kerajaan (pesara berpencen, penerima pencen terbitan, pesara Kumpulan Wang Simpanan Pekerja (KWSP), pesara bersara pilihan dan belum menerima pencen, veteran berpencen dan veteran tidak berpencen).
- 2.3 Surat Pekeliling ini disediakan selaras dengan peraturan berikut:
  - 2.3.1 Surat Kementerian Kewangan Malaysia rujukan MOF.NBO(S)600-9/1/297 Jld.2 (10) bertarikh 26 Januari 2024 – Bayaran Insentif Awal Kajian Sistem Saraan Perkhidmatan Awam (SSPA) Tahun 2024.

- 2.3.2 Surat Jabatan Perkhidmatan Awam Malaysia rujukan JPA.800-3/2/4 (39) bertarikh 6 Februari 2024 – Bayaran Insentif Awal Kajian Sistem Saraan Perkhidmatan Awam (SSPA) Tahun 2024.

### 3. PELAKSANAAN

Surat Pekeliling Akauntan Negara Malaysia (SPANM) ini hendaklah dibaca bersama SPANM Tatacara Pengurusan Bayaran Emolumen Pegawai Awam Persekutuan yang berkuat kuasa. Pelaksanaan tatacara pembayaran bagi Bayaran Insentif Awal Kajian SSPA Tahun 2024 adalah seperti berikut:

#### 3.1 Tarikh Pembayaran

Bayaran Insentif Awal Kajian SSPA Tahun 2024 ini akan dibayar pada **23 Februari 2024 (Jumaat)**.

#### 3.2 Peruntukan Untuk Membayar Bayaran Insentif Awal Kajian SSPA Tahun 2024

Kementerian/ Jabatan hendaklah membayar Bayaran Insentif Awal Kajian SSPA Tahun 2024 menggunakan peruntukan tahun 2024. Sekiranya peruntukan ini tidak mencukupi, permohonan peruntukan tambahan hendaklah dibuat kepada Kementerian Kewangan Malaysia.

#### 3.3 Semakan Ke Atas Pegawai Yang Layak Menerima Bayaran Insentif Awal Kajian SSPA Tahun 2024

Pusat Tanggungjawab (PTJ) adalah bertanggungjawab menyemak teliti dan memastikan dokumen sokongan adalah lengkap serta mematuhi syarat-syarat yang ditetapkan dalam Surat Jabatan Perkhidmatan Awam Malaysia rujukan JPA.800-3/2/4 (39) bertarikh 6 Februari 2024 – Bayaran Insentif Awal Kajian Sistem Saraan Perkhidmatan Awam (SSPA) Tahun 2024.

#### 3.4 Kaedah Bayaran Insentif Awal Kajian Sistem SSPA Tahun 2024

Terdapat dua (2) kaedah Bayaran Insentif Awal Kajian SSPA Tahun 2024 iaitu melalui:

##### 3.4.1 Bayaran Melalui Sistem Emolumen Berkomputer

##### (1) Tanggungjawab Pejabat Perakaunan (AO)

- i. Mengeluarkan **Laporan Penerima Bayaran Insentif Awal Kajian Sistem SSPA Tahun 2024** kepada PTJ;
- ii. Mengemas kini data Penerima Bayaran Insentif SSPA Pegawai Awam di dalam sistem setelah PTJ mengesahkan **Laporan Penerima Bayaran Insentif Awal Kajian SSPA Tahun 2024**; dan

- iii. Memproses Bayaran Insentif Awal Kajian SSPA Tahun 2024.

**(2) Tanggungjawab Pusat Tanggungjawab (PTJ)**

- i. Menyemak **Laporan Penerima Bayaran Insentif Awal Kajian Sistem SSPA Tahun 2024**. Pegawai yang tidak layak hendaklah dikeluarkan daripada laporan tersebut;
- ii. Mengemukakan **Laporan Penerima Bayaran Insentif Awal Kajian Sistem SSPA Tahun 2024** yang telah disahkan kepada Pejabat Perakaunan; dan
- iii. Mengutip **semua amaun** yang telah dibayar kepada pegawai yang **tidak layak** menerima **Bayaran Insentif Awal Kajian Sistem SSPA Tahun 2024** secara tunai atau *Electronic Fund Transfer* (EFT) dengan mematuhi prosedur yang telah diedarkan melalui Surat Edaran Bahagian Pengurusan Operasi Pejabat Perakaunan (BPOPP) Bilangan 12 Tahun 2022 – Garis Panduan Pengurusan Terimaan Secara *Electronic Fund Transfer* (EFT) Ke Akaun Terimaan Pejabat Perakaunan. Pegawai yang membuat bayaran bertanggungjawab memastikan perihal rujukan bayaran dinyatakan dengan jelas selaras dengan surat edaran berkenaan.

**3.4.2 Bayaran Melalui Arahan Pembayaran (Kew.330E)**

**(1) Tanggungjawab Pejabat Perakaunan**

Pejabat Perakaunan hendaklah memantau dan mendapatkan pengesahan PTJ untuk memastikan PTJ menyempurnakan bayaran melalui Arahan Pembayaran (Kew.330E) bagi pegawai yang tiada dalam Sistem Emolumen Berkomputer.

**(2) Tanggungjawab Pusat Tanggungjawab (PTJ)**

- i. Menyediakan Arahan Pembayaran (Kew.330E), jenis dokumen - Invois Tanpa Pesanan Kerajaan (K2) berserta Penyata Perubahan Mengenai Pendapatan Seseorang Pegawai (Kew. 8) dan dokumen sokongan yang lain.
- ii. Memastikan pegawai awam yang dibayar melalui Arahan Pembayaran (Kew.330E) menerima bayaran pada **23 Februari 2024**.

- iii. PTJ hendaklah memastikan tiada keciciran dalam pembayaran kepada pegawai awam yang dibayar melalui Arahan Pembayaran (Kew.330E).
- 3.5 Bayaran Insentif Awal Kajian Sistem SSPA Tahun 2024 akan menjadi tanggungan jabatan di mana pegawai berkhidmat pada tarikh pembayaran.
- 3.6 Potongan ke atas Cukai Pendapatan, Caruman Kumpulan Wang Simpanan Pekerja (KWSP) dan Caruman Pertubuhan Keselamatan Sosial Pekerja (PERKESO) tidak dilaksanakan tertakluk seperti berikut:

#### 3.6.1 Cukai Pendapatan

Bayaran Insentif Awal Kajian Sistem SSPA Tahun 2024 tidak dikira sebagai pendapatan bagi tujuan pengiraan cukai pendapatan.

#### 3.6.2 Caruman Kumpulan Wang Simpanan Pekerja (KWSP)

Bayaran Insentif Awal Kajian Sistem SSPA Tahun 2024 ini adalah tidak termasuk di bawah definisi “Upah” sepertimana yang diperuntukkan di bawah Seksyen 2, Akta Kumpulan Wang Simpanan Pekerja (KWSP) 1991 (Akta 452). Sehubungan dengan itu ianya tidak perlu dicarumkan ke Kumpulan Wang Simpanan Pekerja (KWSP).

#### 3.6.3 Caruman Pertubuhan Keselamatan Sosial Pekerja (PERKESO)

Bayaran Insentif Awal Kajian Sistem SSPA Tahun 2024 ini tidak perlu dicarumkan ke Pertubuhan Keselamatan Sosial Pekerja (PERKESO).

### 3.7 Kod Urus Niaga

Kod urus niaga yang perlu digunakan bagi Bayaran Insentif Awal Kajian Sistem SSPA Tahun 2024 adalah seperti berikut:

Kod Elaun (Payroll)	Kod Akaun	Perihal Kod
1077	B0117104	Pemberian/ Bayaran Khas Kakitangan Awam
1077	B0117104	Pemberian/ Bayaran Khas Pasukan Keselamatan
1077	B0229306	Pemberian/ Bayaran Khas Pekerja Sementara atau Sambilan atau Yang Tidak Menyandang Jawatan Tetap
4021	-	Bayaran Balik Pemberian/ Bayaran Khas

#### **4. HAL-HAL LAIN**

Pertanyaan lanjut mengenai Surat Pekeliling Akauntan Negara Malaysia (SPANM), boleh dirujuk kepada pihak berikut:

Bahagian Pengurusan Operasi Pejabat Perakaunan (BPOPP)  
Jabatan Akauntan Negara Malaysia  
Aras 4, Kompleks Kementerian Kewangan  
No.1, Persiaran Perdana  
62594, Presint 2  
Putrajaya  
u.p : Unit Pengurusan Prestasi  
Emel : unit\_prestasi@anm.gov.my  
No. Tel : 03-8882 1624/1612/1622/1611

#### **5. TARIKH KUAT KUASA**

Surat Pekeliling ini berkuat kuasa mulai pada tarikh ianya dikeluarkan.

## 6. PEMAKAIAN


Kementerian/Jabatan Persekutuan dan Pejabat Perakaunan hendaklah memastikan peraturan yang ditetapkan dalam surat pekeliling ini dipatuhi bagi memastikan Bayaran Insentif Awal Kajian SPPA Tahun 2024 dapat dilaksanakan dengan sempurna mengikut tarikh yang telah ditetapkan. Peruntukan surat pekeliling ini juga dipanjangkan kepada semua Perkhidmatan Awam Negeri, Badan Berkanun Persekutuan, Badan Berkanun Negeri dan Pihak Berkuasa Tempatan tertakluk kepada penerimaan oleh pihak berkuasa masing-masing.

**“MALAYSIA MADANI”**

**“BERKHIDMAT UNTUK NEGARA”**

***"Memperkasa Budaya Inovasi Pendigitalan"***

Saya yang menjalankan amanah,



**(NOR YATI BINTI AHMAD C.A.(M))**

Akauntan Negara Malaysia

JABATAN AKAUNTAN NEGARA MALAYSIA  
PUTRAJAYA

8 Februari 2024

s.k:

Ketua Setiausaha Negara  
Ketua Pengarah Perkhidmatan Awam  
Ketua Setiausaha Perbendaharaan  
Ketua Audit Negara  
Semua YB Setiausaha Kerajaan Negeri  
Semua YB Pegawai Kewangan Negeri  
Semua Ketua Jabatan Negeri  
Semua Ketua Akauntan Kementerian  
Semua Pengarah Negeri/Cawangan Jabatan Akauntan Negara Malaysia  
Semua Akauntan Negeri/Bendahari Negeri  
Pengarah Jabatan Arah Urusan Gaji Angkatan Tentera (UGAT)